

XV
VENDR
1601.

827

8




Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
CFMAGL. 1.6.574/a






Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
CFMAGL. 1.6.574/a



Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
CFMAGL. 1.6.574/a



Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
CFMAGL. 1.6.574/a

FRANCISCI
CAESARIS AVGVSTI
MVNIFICENTIA.

106


1. 6. 574

427

XV

VENDR.

1601







ILLVSTRISSIMO
D.D. Francisco Vendrameno
Equiti, Patricio Veneto,
Et Senatori Ampliss.

ANTONIUS VENDRAMENVS
CIVIS VENETVS
FOELICITATEM.


INualuit consuetu-
do (vir Illustrissi-
me) nè sinè patro-
no aliquis in aciē
disputandi prodeat, ea profectò
★ 2

laudabilis, atq; insignis, quando-
quidem nihil magnum sinè au-
spicio: id igitur, & ego præstitu-
rus non alium mihi patronum
deligere debui, quàm te vnum;
etenim si humanitas spectetur
omnium humanissimum te om-
nes norunt; si litterarum, & litte-
ratorum amor, te litteratissimū,
& litteraturæ amantissimum
prædicant, si claritas sanguinis,
nemo eam ignorat: tu quidem
Vinea es natus familia, quæ inter
Venetas semper apprimè flo-
ruit, cuius si præstantissimos om-
nis ordinis viros velim recense-
re, non epistolam, sed historiam

conficere oportebit, in Serenissi-
ma enim Veneta Republica
nullus est dignitatis gradus, quo
tui maiores non fuerint cohone-
stati. Non quidem è memoria
excidit, quot, & quales Reipubli-
cæ Procuratores in ea floruerint;
neq; ignotū est qualis Princeps
in eadem Rep. fuerit Andreas
Vendramenus, quales extiterūt
plurimi ciuitatum præsides, qua-
les tandem in omnibus Reip.
magistratibus sustinendis se se
omni tēpore Vendrameni præ-
stiterint, adeò vt Vendramenæ
Familiæ splendor nunquàm in-
interruptus conspiciatur. Quòd si

Ad te ipsum me conuerto in te
vno collecta videtur omnis tuo-
rum maiorum dignitas. Tu qui
dem, cum primum per ætatem,
& legem est concessum, tum pri-
mum summis honoribus cumu-
lari incoepisti, quos adeò graui-
ter, & sapienter sustinuisti, vt sē-
per ad maiores sis prouectus; In
patria maximos omnes susti-
nuisti; pro patria legationes om-
nes ad maximos Principes per-
fecisti, ità vt vix vna perfunctus
ad aliam fueris subito electus,
vti nunc miro omnium consen-
su ad Sanctissimum Clemen-
tem Octauum Pontificem Ma-

Eximium orator es designatus ,
quocircà digniorem te ipso ne-
minem poteram inuenire. Ac-
cedit autem peculiaris, & debi-
ta nostræ domus in tuam , & in
te ipsum propensio, ac reueren-
tia, & præsertim patris mei in te.
Vno obseruando studiosissimi,
hæc itaquè omnia effecerunt, vt
tibi has dicarem positiones , In-
dignum faciliè inducēs meum,
te hilari vultu eas esse receptu-
rum ; quod vt facias te etiam ,
atq; etiam rogo, atq; obtestor.
Vale Vendramenae nobilitatis
Eximium decus. Patauij Ante-
noris Mense Iunij MDCL.



PERILLVSTRI

AC ERV-DITISSIMO IUVENI

Antonio Vendrameno.

Toldus Constantinus Serrauallensis.



*Letus in effigiem Magni Re-
toris Olympi*

*Est homo, cui Mundi for-
ma minoris inest.*

*Sic ais : Unde tibi succenset
maximus Orbis ,*

Hoc ē Flāma vorax, Æthraq; Pulvis, Aqua

Nam tua Nereides nolunt absumere scripta;

Illaq; visceribus condere Terra negat:

Non humeris fert illa suis agitabilis Aer ;

Nec poni suffert Ignis in ore suo.

At quid ? si clarum nomen per secula cūcta

VENDRAMENE tuū paruulus Orbis alet:

★

AD NOBILEM
ET SAPIENTEM IUVENEM
Antonium Vendramenum


Defendentem Hominem esse Paruum Mundum.

Epigramma.

HIERONYMI 7.



*Vm Paruum effingis Mun-
dum Theoremate. splendet
ANTONI, in libro Mun-
dus uterque tuo.
Condita visceribus retinet
sua munera quisque,
At te nulla latent, pandis utrique sua.
O si fortè tua hæc donet pagella duobus
Mundis, æternum vivere, non es homo.*



Ad Eundem
Academicum Stabilem
DISTICHON.
Eiusdem.



*Il volat, ANTONI, Fugi-
ente velocius orbe ;*

*Tu tamen es STABILIS
Mundus; at esto diu .*



AD NOBILISSIMUM

ADOLESCENTEM

Antonium Vendramenum

Defendentem Hominem esse Paruum Mundum.

Epigramma.

Seuerini Constantini Serrauallensis.



IV A Hominem Parui Mun-

di Simulacra referre,


Qui neget, ANTONI,

nullus, opinor, erit.

Ambiget aſt is, qui te dicen-

tem audiat, utrum

Paruus ſis Mundus, Magnus an ipſe Sophus.



I
QVOD HOMO

fit Paruus Mundus.

DISPVTTATIO TRIBVS

CAPITIBVS

Compræhensa Proposita.

A B

Antonio Vendrameno

Ciue Veneto.

CAPVT PRIMVM.



.I.



OMINEM esse
paruum mundum
est sententia adeo
latens in ipsa vetu-
state, ut cuius au-
ctoris primò fuerit,
ignoretur, & quasi è natura gremio
A pro-

Quod Homo

prodiſſe credi poſſit : magna autem eſt hominis excellentia , nequè enim uno tantum modo ſimilis mundo eſt homo, ſed & ratione corporis, & ratione animæ, & ratione propriæ operationis.

2.

Si mundum in propria ſui conſtitutione contemplemur, is rectè definitur in lib. de mundo , quod eſt moles congeſta ex cælo , terra, & intermediis naturis : intermedias autem naturas uocat, definiens, alia tria elementa ; & rectè poſita eſt definitio nominando Cælum, & Terrā, quia mundus eſſentialiter eſt figura circulari conſtitutus, in circulo uerò , duo ſunt eſſentialia, circumferentia , & centrum, circumferentia Cælum ponit, centrum terram.

Est

fit paruus Mundus. 3

3.

Est uerò Cælum corpus compositum ex materia, & forma, cuius materia est diuersa à materia inferiorum, cuius forma est anima, quæ est illius natura.

4.

Mouetq; hæc anima cæleste corpus effectiuè intelligendo, & amando Intelligentiam, quæ singulo orbi est præposita, & mouet tanquàm amata, et desiderata.

5.

Motus Cælo proprius est motus circularis, qui non potest conuenire alteri corpori simplici uniuersum constituenti, quatenus illud constituit aut secundum naturam, aut præter naturam.

A 2 Licet

6.

*Licet uerum sit ignem in propria
sphaera moueri in gyrum prater natu-
ram.*

7.

*Istud corpus non est obnoxium ge-
nerationi, aut alterationi, etenim ca-
ret illis qualitatibus, ratione quarum
est generatio, & alteratio, & sunt
quatuor primae qualitates, calidum,
frigidum humidum, & siccum, qui-
bus elementa habent suum esse sub-
stantiale, ita ut prorsus vanum sit
cogitare alias formas innominatas
istis suppositas.*

8.

*Quatuor ex materia resultant
simplicia corpora, quoniam quatuor
tantum possunt esse utiles istarum
coniugationes, et haec elementa, nun-
cupan-*

fit parvus Mundus. 5

cupantur duplici ratione : Primo in ordine ad ipsum mundum, quod in esse corporeo constituuntur simul cum Cælo, Secundo in ordine ad mixta, omnia enim corpora ex istis simul temperatis producuntur.

9.

Dicuntur simplicia, quia ex pura materia prima, & forma simplici componuntur, unde simplicia appellantur non simpliciter, sed in ordine ad alia corpora.

10

Quæ ita ex illis componuntur, ut omnia in omnibus mixtis reperiantur formaliter, & verè, quia mixtio est miscibilium alteratorum unio.

11.

Ex istis igitur quinque corporibus primò fit integritas mundi, sub qua
ratione

*ratione mundus est supra definitus,
aliter autem consideratur postea mū-
dus, prout scilicet omnia amplecti-
tur, & ex omnibus naturalibus est
constitutus.*

12.

*In hac consideratione acceptus
mundus continet omnes rerum spe-
cies, quæ quantum ad esse corpo-
reum ita diuiduntur, quod aliæ sunt
mixta solum, aliæ verò mixta, &
disimilariter constituta. Species so-
lum mixta sunt lapides, & minera-
lia. Dimitto enim nunc affectiones
Meteorologicas, quæ solent mixta
imperfecta appellari.*

13.

*Species mixta, & dissimilares
corporum sunt corpora animalium,
& plantarum, in quibus ex multis
mixtis*

fit parvus Mundus. 7

*mixtis similaribus partibus unum
corpus instrumentarium est constitu-
tum, adeò ut esse corporeum in mun-
do ita sit plenè distributum, uel sim-
plex, uel compositum ex simplicibus,
& si compositum ex simplicibus, uel
solum mixtum, & simile, uel mix-
tum cum adiunctione dissimilarita-
tis.*

14.

*Homo itaq; quantum ad corpus
rectè dicitur esse parvus mundus,
quìa omnem hanc naturam in se
continet, quasi quidam Epilogus om-
nium naturalium corporum.*

15.

*Continet quidem simplicia corpo-
ra non solum quìa ex illis est consti-
tutus, sed etiam quìa pro sensationis
munere obeundo qualitatibus orga-
nicis*

*nicis utitur, quæ ad simplicia corpora
referuntur, si quidem uisus sit inter-
uentu aqueæ perspicuitatis, auditus
interuentu facultatis transonora, ,
qua præditus est aer.*

16.

*Conditionem mixtionis quæ in si-
milaritate consistit non minus seruat
quandoquidem ex partibus simili-
bus, ut carne, et huiusmodi est compo-
situs: ob præstantiam autem mixtio-
nis omne aliud genus inferiorum mix-
tionum in se continere videtur, si
quidem excellentius in quolibet gene-
re virtute continet totum eiusdem
generis.*

17.

*Similiter corporcitatem habet dis-
similarem præstantissimam; quippe
quæ nobilius se habeat ad formatio-
nem*

nem, quandoquidem anima intelle-
ctiua est sedes, & non sistit in sola
forma, qua vegetet, & sentiat, sed
extollitur ad gradum eminentissi-
mum, postquam ultra formam intel-
lectualem nulla est alia forma.

18.

Et propter hoc Cæli substantiam
videtur homo suo corpore imitari,
quandoquidem adeo præstanti corpo-
ris natura est præditus, ut dispositio-
nem habeat ad suscipiendam formam
intellectiuam. qua etiam coelum mo-
uetur.

19.

Non enim verum est, quod po-
suit Auicenna, & quod etiam Sim-
plicius aliquando visus est dixisse
coelum esse anima sensitiva informa-
tum, etenim sensus in coelo frustra

B ponun-

10 Quod Homo

ponuntur , neq; enim anima , neq;
corpori coelesti conferunt: non corpo
ri. quia non indiget non anima, quia
non intelligit sensibilia, sed intuetur
substantias separatas.

20.


Neq; est necessarius sensus pro
pter reuolutiones coeli renouandas,
quandoquidem non sunt multa nu
mero distincta reuolutiones. sed uni
ca numero est , quae fuit , quae nunc
est, & quae postea erit.



Caput

fit paruus Mundus. II

CAPVT SECVNDVM.



21.



Uemadmodum pra
stantior est forma,
quàm sit materia,
Et Anima, quàm
sit corpus, ita præ
stantius homo quã
tum ad Animam mundo similis est,
ut ideò paruus mundus nuncupe
tur.

22.

Multiplex sanè in mundo genus
formarum reperitur, sunt formæ sim
plices, quibus elementa constituun
tur, sunt formæ compositæ, sunt for

B 2 mæ

12 Quod Homo

me instrumentaria, sunt tandem forme separate à materia; quod si hominis anima omne formarum talium genus complectatur, non est dubium, quin rectè ratione animæ homo parvus mundus nuncupetur.

23.

Formarum simplicium hæc est conditio, ut prima corpora componat, ex quibus in uniuerso dispositis mundus constituitur, et ex quibus omnia alia oriuntur, has formas includit anima hominis, quandoquidem in ea sunt forme inferiores eo modo, quo triangulum in quadrangulo reperitur.

24.

Ideò definiebat Arist. animam quod esset actus corporis naturalis, instrumentarij, & declarabat, cur diceret

fit paruus Mundus.

13

diceret corpus naturale, quia. s. haberet in se principium motus, et quietis: motus verò, & quies in sublunariis omnibus est secundum participationem elementorum, ita dicebat Arist. mixta omnia moueri secundum prædominans elementum, quocirca in anima oportet includi has formas.

25

Quemadmodum etiam de mixtionis forma è dicendum, siquidem ex temperie primorum corporum resultat in homine temperatura, secundum quam differt ab omnibus alijs mixtis, differentia verò ex forma prouenit, quare mixtionis formam in hominis forma inclusam agnoscimus.

Nequè

Nequè obstat, quòd istis sic positis, uideatur anima esse forma composita, neq; enim dubitandum est, quin hoc sit uerum, quandoquidem non est inconueniens cõponi formas tanquam unum actum integrum, ex pluribus actibus partialibus, quorum anteriores se habent ad subsequentes, quasi ad modum materiae, immò, quantò sunt compositiores forma, tantò uidebuntur perfectiores, quia tantò magis à materia distabunt.

Post istas succedit forma vegetabilium, quae est anima tribus praedita facultatibus, nutritiua, auctiua, et generatiua, ex quib. nutritiua est prior natura, generatiua prior perfectione, quare illa non habent, nisi perfecta

fit paruus Mundus. 15

fecta animalia, unde nullum ex illis, quæ generantur ex putredine habet vim generandi.

28.

Definiuntur hæ tres facultates hoc pacto, nutritiua est virtus prima animæ conseruatiua eius, quod eam habet in indiuiduo: auctiua est virtus primæ animæ qua id, quod eam habet ad perfectam reducitur quantitatem, in qua possit proprias perficere operationes: generatiua verò est vis primæ animæ conseruatiua plantarum et butorum animalium in specie.

29

Quæ omnia fiunt interuentu caloris, ut instrumenti, nutrimenti uero tanquam obiecti, ex cuius transmutatione (per calorem factam) omnia ista opera, adimplentur, etenim semen,

semmen, quod est proximum instrumentum generationis, nihil aliud est, quàm benignum excrementum ultimi alimenti.

30

Accedit huic animæ alia pars, quæ sensitiua nuncupantur, quæ facultatibus exornata est passiuæ, si quidem sentire est pati, neq; enim visua uirtus uidere potest, nisi patiendo ab obiecto, unde non est uerum fieri visionem per aliquem egressum ab oculo, sed fit potius per ingressum, si nominemus ingressum alterationem facta ab obiecto, quod uocant recipere speciem.

31.

Nec aliquis obiiciat non esse necessariam hanc alterationem ab obiecto, quia experiamur, quod dum
dor-

fit parvus Mundus.

17

dormimus, & somniamus videmus
aliquos, quos alloquimur, qui non
sunt presentes, etenim hoc est opus
imaginationis, quæ impressa illis spe-
ciebus reflectitur supra sensus, &
est causa illius apparentis visionis.

32

Sensus omnes, qui esse possunt sūt
solum quinque, qui terminant in unā
facultatem communem, quæ sensus
communis appellatur, cuius quidem
primum officium est discernere in-
ter sensibilia diuersorum generum,
ut inter album, & dulce, verunta-
men concurrit etiam ad faciendum
iudicium de sensationibus sensuum par-
ticularium, et de sensibilibus com-
munibus.

33

Post hanc virtutem est in anima

C

sen-

sensitiua imaginatio, quæ intellectus nomine aliquando significatur, quãdò quidem ipsi est similis, etenim cū alijs sensus non operentur citrà præsentiam obiecti ipsa multò magis operatur in obiecti absentia.

34

Quòd verò anima humana hæc contineat, certum est, quandòquidẽ omnia opera vegetatiuæ in homine cernimus, & omnia sensitiuæ, continet autem tanquàm partes.

35

Immò istæ partes multò præstantius se habent in anima intellectiua contentæ, quæ simpliciter positæ, præstantius sanè operantur, tantò sanè præstantius, quantò homo cæteris animalibus est præstantior.

De

fit paruus Mundus.

19

36

De sensitiua autem in anima humana contenta nulli dubium est, quòd sit valdè excellentior, quando quidem sistunt in cognitione propria sensitiua aliorum animalium, sensitiua verò in homine fit ministra intellectus, cum uerum sit omnem nostrā cognitionem à sensu ortum ducere.

37

Proximè verò ministra intellectus est imaginatio, siquidem necesse est intelligentem phantasmata speculari.

38

His superuenit pars intellectiua, quæ omnium est præstantissima, possibili intellectu exornata, quo omnia potest intelligere, quando quidem ipse cum nihil sit actu, est omnia poten

C 2 tia,

20 Quod Homo

tia, et sic potest omnia fieri, ut intellectus agens potest omnia facere.

39

In hoc elucescit abstractio, si quidem non est mixtus cum corpore, & est separabilis.

40


Quocircà cum nihil sit in mundo formarum, quod in homine non inueniatur, rectè dicta est anima humana forma formarum, & rectè constitutum, quod homo quantum ad animam est parvus mundus.



Caput

fit parvus Mundus. 21

CAPVT TERTIUM.



41.



X his etiam satis li-
quet, quomodo quā-
tum ad operationē
rectē homo parvus
mundus appelletur,
cum enim habeat
intellectum, qui est omnia fieri, si illud
informat in se ipso, tanquā alium
mundum cognoscendo construere po-
test.

42

*Duo extrema entia sunt materia
prima, & Deus, utrunq; cognitione
per-*

22 Quod Homo

percipit iste intellectus, tanquam prima mundi entia, neutrum tamen per speciem propriam, nam materia prima est infra omnem speciem, Deus verò supra omnem, sed materiam cognoscit per Analogiam, Deum per motum Coeli.

43

Quo solum motu probatur esse substantiarum abstractarum, ut re-
cte Auer. adnotauit; nec uia, quas inuenit Auicenna, aut alii sunt secuti sunt valida, & idonea.

44

In duarum harum naturarum medio, omnia entia, quibus mundus componitur, sunt collocata, nihilque est, quod cognitione ab intellectu non attingatur, cognoscit autem patiendo, ut etiam sensus; differt verò à sensu,

fit paruus Mundus.

23

*su, quia sensus leditur à vehementi
sensibili, intellectus potius perfici-
tur.*

45

*Ratio est, quia sensus consistit in
proportionem organica, quæ cum sit me-
diocritas quadam omni excessu la-
befactatur; intellectus verò non est
ratio organica, sed supra omne in-
strumentum eleuatur.*

46

*Modus intelligendi ipsius est
sensuum interuentu, sensus uero qui
deseruiunt cognitioni sunt potissi-
mum duo, visus, & auditus; auditus
cognitioni, quæ fit per disciplinam,
visus ei, quæ fit per inuentionem, un-
de rectè Aristot. declarans proposi-
tionem quod omnes homines natura sci-
re desiderent, afferebat pro signo sc.
suum*

suam dilectionem, & visus præcipue.

47

Tactus autem non est sensus, ex quo aut disciplina, aut inuentio proveniat, licet sit ille sensus, à cuius præstantia argumentamur de ingenio, quia pendet ex temperamento, quod quidem facit aliquo pacto ad mentis excellentiam.

48

Licetq; versetur circa plures contrarietates, calidum, frigidum, humidum, siccum, molle, durum, & alias, tamen rectè dicitur, quod annunciat pauciores rei differentias, quàm visus.

49

His sensibus internunciis intellectus cognitione pervadit omnia, nihil

fit parvus Mundus. 25

*hil enim est , quin sit sensibile , aut
per se primò, aut mediante aliqua
sui operatione, aut secundum aliquā
similitudinem.*

50.

*Dico sensibilem etiam materiam
primam, quia transmutatio ad illam
nos ducit ; etiam Animam per suas
operationes; etiam Intelligentias, &
Deum mediante coeli motu, qui ta-
men non est prima illarum opera-
tio.*

51.

*Etenim duplex genus operatio-
nis istis tribuitur , vel enim operan-
tur in se ipsis, uel extra se ipsas, ope-
ratio interna est intellectio; ad cu-
ius cognitionem deuenimus per simi-
litudinem nostrae intellectiois ; ope-
ratio externa est coeli motus, per quē*

D ordinan

26 Quod Homo

ordinantur, & disponuntur omnia
naturalia in uniuerso.

52

Est enim Coelum primum effici-
ens uniuersale omnium, sine quo effi-
cientia inferiora nihil agerēt; quem
admodum etiam illius motus, qui
est motus circularis, est primus om-
nium motuum, tempore, natura &
perfectione.

53

Cum dicimus causam uniuersa-
lem non dicimus ullam essentiam u-
niuersalem de se existentem, etenim
omne materiale est particulare a-
ctu, sed dicimus talem causam, que
in ratione causandi omnia comple-
tatur, tales causa naturales dua
sunt, Coelum, & materia prima.

Qua

fit parvus Mundus. 27

54

Quæ quidem causæ non habent vim causandi sinè causis particularibus, omne enim, quod fit, singulare est.

55

Intellectus verò sensu utens, qui versatur circà particularia, non tamen sistit ipse in particularibus, sed discurrendo se se extollit suprà particularia, & uniuersales essentias, quæ sunt in pluribus particularibus abstrahendo, in se ipso considerat.

56

Intelligitq; particulare non reflexè, ut isti dicunt, sed directè, uniuersale autem cognoscit reflexus in se ipsum.

57

Quod Quidem uniuersale non
D 2 *poteſt*

28 Quod Homo

*poteſt attingere ſinè ope alterius
differentia ipſius anima, quæ eſt in-
tellectus agens, qui ideò dicitur om-
nia facere, ut intellectus poſſibilis di-
citur omnia fieri.*

58.

*Qui poſſibilis intellectus ultra ſpe-
culationem, qua omnia intelligit, ha-
bet etiam uim practicã, prout intelli-
gendo non ſiſtit in cognitione, ſed de-
ſcendit ad opus, aut prudentia, aut
artis.*

59

*Præſtantior tamen eſt actio illius
contemplatiua, ſecundum quam ha-
bet eam felicitatem, quæ in hoc ſtatu
homini conceditur, quæ eſt operatio
ſecundum mentem in uita perfectã,
quemadmodum felicitas actiua eſt
operatio ſecundum prudentiam in
uita*

fit parvus Mundus.

29

vita perfecta.

60.

Cum itaq; homo per intellectum intelligat quicquid in mundo reperi potest etiam priuationes, et negationes, quæ sunt non entia, mediantibus .s. habitibus, & formis, cumq; intellectus euadat id. quod intelligit, ita ut sicuti sensus actu, & sensibile actu idem sunt, ita etiam (et multo perfectius) intellectus actu, et intelligibile actu idem sint; cum (inquam) per intellectionem intellectus omnia euadat, rectè dicitur, quod homo per cognitionem intellectus est parvus mundus, si quidem per eamdem in omnia, quæ mundum complent, se se transformat.

F I N I S.

DISPUTABVNTVR

Publice

In Florētiss. ac celeberrimo
totius terrarum orbis

PATAVINO

Gymnasio

sub foelicibus auspicijs

Magnifici D. D.

IVLII COESARIS

Federici Brixiani, Syndici,

& Vniuersitatis DD. Sco-

larium Artistarum Prore-

ctoris dignissimi.

Anno ab effracto Serpentis

capite MDCL. Mense Iu-

ni. Die & Hora

PATAVII,
Apud Laurentium Pasq.^{um}
Typographum
Almæ Vniuer. Iuristarum.
Anno 1601.

VIRTVTE DVCE



COMITE FORTVNA

Habita Superiorum
Licentia .